

**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA**

Broj:02-02-111/99
Sarajevo, 19. jula 1999.

Z A P I S N I K

**sa 6. sjednice Doma naroda Parlamentarne skupštine Bosne i Hercegovine,
održane 19.srpnja 1999. godine**

Sjednica je počela u 14,05 sati.

Sjednici je bilo nazočno 13 izaslanika. Nisu bili nazočni su Ismet Šarčević i Pero Marković.

Sjednicom je predsjedavao Vladimir Šoljić, predsjedatelj Doma naroda Parlamentarne skupštine Bosne i Hercegovine.

Za sjednicu je predložen sljedeći

D N E V N I R E D

1. Usvajanje Zapisnika 5. sjednice,
2. Pregled izaslaničkih pitanja na koja nisu dobijeni odgovori,
3. Pripreme za Konferenciju o Paktu stabilnosti za Jugoistočnu Europu,
4. Razmatranje i usvajanje Okvirnog zakona o privatizaciji poduzeća i banaka u BiH,
5. Prijedlog zakona o zrakoplovstvu BiH,
6. Prijedlog odluke o utvrđivanju kompleksa zgrada i zemljišta za smještaj institucija BiH, o njihovom statusu, uvjetima i načinu korištenja,
7. Prijedlog odluke o utvrđivanju statusa zgrada i zemljišta u Ul.M.Tita 25. i uvjetima i načinu njihovog korištenja,
8. Davanje suglasnosti za ratificiranje:
 - a) Sporazum o razvojnom kreditu (Projekat osnovne zdravstvene zaštite) između Bosne i Hercegovine i Međunarodne asocijacije za razvoj,
 - b) Sporazum o razvojnom kreditu (Pilot projekat lokalnog razvoja) između Bosne i Hercegovine i Međunarodne asocijacije za razvoj,
 - c) Sporazum o razvojnom kreditu (Pilot projekat kulturnog nasljeđa) između Bosne i Hercegovine i Međunarodne asocijacije za razvoj,
 - d) Sporazum o razvojnom kreditu (Kredit za prilagođavanje u privatizaciji poduzeća i banaka) između Bosne i Hercegovine i Međunarodne asocijacije za razvoj,
 - e) Sporazum o razvojnom kreditu (Projekat podsticanja izvoza poduzeća) između Bosne i Hercegovine i Međunarodne asocijacije za razvoj,
 - f) Sporazum o razvojnom kreditu (Drugi kredit za strukturalno usklađivanje javnih financija) između Bosne i Hercegovine i Međunarodne asocijacije za razvoj,

- g) Sporazum između Švicarskog Federalnog vijeća i Vijeća ministara Bosne i Hercegovine koji se odnosi na redovni zrakoplovni promet,
- 9. Razmatranje Izvješća Centralne banke Bosne i Hercegovine za 1998.
- 10. Prijedlog odluke o dopunama Privremenog poslovnika Doma naroda Parlamentarne skupštine Bosne i Hercegovine,
- 11. Izaslanička pitanja.

Predloženi dnevni red jednoglasno je usvojen.

Ad-1.

Usvajanje Zapisnika sa 5. sjednice Doma naroda.

Zapisnik sa 5. sjednice Doma naroda jednoglasno je usvojen.

Ad-2.

Predlog izaslaničkih pitanja na koja nisu dobijeni odgovori.

Predsjedatelj Doma naroda je konstatovao da većina nadležnih institucija, organa i pojedinaca kojim su upućena delegatska pitanja nisu dostavili odgovore.

Zaključeno je da se ponovo uputi zahtjev nadležnim institucijama, organima i pojedinncima, da dostave odgovore na upućena im delegatska pitanja.

Ad-3.

Pripreme za konferenciju o Paktu stabilnosti za Jugoistočnu Evropu.

U raspravi po ovoj tački dnevnog reda učestvovali su Haris Silajdžić i Vladimir Šoljić.

Delegati su upoznati sa dosadašnjim radom organizacionog odbora i pododbora u priprema za Samit pakta stabilnosti. Istaknuto je da nije donesena formalna odluka o održavanju Samita nakon čijeg donošenja će se uputiti i pozivi delegacijama zemalja koje su već potvrdile svoje učešće na Samitu.

Ad-4.

Razmatranje i usvajanje okvirnog zakona o privatizaciji preduzeća i banaka u Bosni i Hercegovini

U raspravi po ovoj tački dnevnog reda učestvovao je Momir Tošić.

Istakao je da su srpski delegati u Domu naroda tražili dodatna objašnjenja od strane OHR-a vezana za Okvirni zakon o privatizaciji preduzeća i banaka u Bosni i Hercegovini i stav Vlade Republike Srpske. Došlo se do usaglašenog stava da Zakon priznaje pravo privatizacije preduzeća i banaka smještenih na teritoriji entiteta, tako da će srpski delegati glasati za usvajanje ovog zakona.

Dom naroda jednoglasno je usvojio Okvirni zakon o privatizaciji preduzeća i banaka Bosni i Hercegovini.

Ad-5.

Prijedlog zakona o vazduhoplovstvu Bosne i Hercegovine.

U raspravi su učestvovali: Hrceg Mugdin, Momir Tošić i Avdo Čampara.

Predsjedatelj Komisije o prometu i komunikacije Doma naroda Herceg Mugdin upoznao je izaslanike da je Zakon upućen Parlamentarnoj skupštini od strane Vijeća ministara po žurnom postupku, s tim da se Nacrt zakona razmatra kao prijedlog. Komisija je razmotrila Zakon i na isti ima primjedbu da se članka 64. točka 2. izmjeni u smislu da Zakon stupa na snagu 8 dana po objavljivanju u Službenom glasniku BiH, a što je sukladno Privremenom poslovniku Doma naroda .

Momir Tošić je predložio da se Zakon razmatra u formi nacrt, a na nastavku sjednice Doma naroda koja će se održati 22.7.1999. da se Zakon razmatra kao prijedlog. Prijedlog Momira Tošića podržao je i Avdo Čampara.

Dom naroda je donio zaključak da se Zakon o zrakoplovstvu BiH razmatra u formi prijedloga 22. srpnja 1999. na nastavku 6. sjednice.

Ad-6.

Prijedlog odluke o utvrđivanju kompleksa zgrada i zemljišta za smještaj institucija BiH, o njihovom statusu, uvjetima i načinu korištenja.

O ovoj točki dnevnog reda nije bilo rasprave.

Dom naroda jednoglasno je donio Odluka o utvrđivanju kompleksa zgrada i zemljišta za smještaj institucija BiH, o njihovom smještaju, uvjetima i načinu korištenja.

Ad-7.

Prijedlog odluke o utvrđivanju statusa zgrada i zemljišta u Ul. M.Tita 25 i uvjetima i načinu njihovog korištenja.

O ovoj točki dnevnog reda nije bilo rasprave.

Dom naroda jednoglasno je donio Odluka o utvrđivanju statusa zgrada i zemljišta u Ul. M.Tita 25. i uvjetima i načinu njihovog korištenja.

Ad-8.

Davanje suglasnosti za ratificiranje:

a) Sporazuma o razvojnom kreditu (Projekat osnovne zdravstvene zaštite) između Bosne i Hercegovine i Međunarodne asocijacije za razvoj

Učesnika u raspravi o ovoj točki nije bilo.

Dom naroda jednoglasno je donio Odluku o davanju suglasnosti za ratificiranje **Sporazuma o razvojnom kreditu (Projekat osnovne zdravstvene zaštite) između Bosne i Hercegovine i Međunarodne asocijacije za razvoj**

b) Sporazuma o razvojnom kreditu (Pilot projekat lokalnog razvoja) između Bosne i Hercegovine i Međunarodne asocijacije za razvoj

Učesnika u raspravi o ovoj točki nije bilo.

Dom naroda jednoglasno je donio Odluku o davanju suglasnosti za ratificiranje **Sporazuma o razvojnom kreditu (Pilot projekat lokalnog razvoja) između Bosne i Hercegovine i Međunarodne asocijacije za razvoj.**

c) Sporazuma o razvojnom kreditu (Pilot projekat kulturnog naslijeđa) između Bosne i Hercegovine i Međunarodne asocijacije za razvoj

Učesnika u raspravi o ovoj točki nije bilo.

Dom naroda jednoglasno je donio Odluku o davanju suglasnosti za ratificiranje **Sporazuma o razvojnom kreditu (Pilot projekat kulturnog naslijeđa) između Bosne i Hercegovine i Međunarodne asocijacije za razvoj.**

d) Sporazuma o razvojnom kreditu (Kredit za prilagođavanje i privatizacije poduzeća i banaka) između Bosne i Hercegovine i Međunarodne asocijacije za razvoj

Učesnika u raspravi o ovoj točki nije bilo.

Dom naroda jednoglasno je donio Odluku o davanju suglasnosti za ratificiranje **Sporazuma o razvojnom kreditu (Kredit za prilagođavanje i privatizacije poduzeća i banaka) između Bosne i Hercegovine i Međunarodne asocijacije za razvoj.**

e) Sporazuma o razvojnom kreditu (Projekat podsticanja izvoza poduzeća) između Bosne i Hercegovine i Međunarodne asocijacije za razvoj

Učesnika u raspravi o ovoj točki nije bilo.

Dom naroda jednoglasno je donio Odluku o davanju suglasnosti za ratificiranje **Sporazuma o razvojnom kreditu (Projekat podsticanja izvoza poduzeća) između Bosne i Hercegovine i Međunarodne asocijacije za razvoj.**

f) Sporazuma o razvojnom kreditu (Drugi kredit za strukturalno usklađivanja javnih finansija) između Bosne i Hercegovine i Međunarodne asocijacije za razvoj

Učesnika u raspravi o ovoj točki nije bilo.

Dom naroda jednoglasno je donio Odluku o davanju suglasnosti za ratificiranje **Sporazuma o razvojnom kreditu (Drugi kredit za strukturalno usklađivanja javnih finansija) između Bosne i Hercegovine i Međunarodne asocijacije za razvoj.**

g) Sporazuma između Švicarskog Federalnog vijeća i Vijeća ministara Bosne i Hercegovine koji se odnosi na redovni zrakoplovni promet

Zaključeno je da se rasprave o ovom Sporazumu odložio za nastavak sjednice za kazane za četvrtak, 22.7.1999.

Usvojeni su i slijedeći zaključci:

Zadužuje se Vijeće ministara Bosne i Hercegovine da redovito prati ispunjavanje svih uvjeta o realizaciji i osiguranju neophodnih preduvjeta za pravovremenu realizaciju sporazuma i o tome informira Dom naroda Parlamentarne skupštine Bosne i Hercegovine svakih šest mjeseci.

Zadužuje se Vijeće ministara Bosne i Hercegovine da dostavi Domu naroda izvješće o ukupnom zaduženju Bosne i Hercegovine.

Ad-9. Razmatranje Izvješća Centralne banke Bosne i Hercegovine za 1998.

Učesnika u raspravi nije bilo.

Dom naroda jednoglasno je prihvatio Izvješće Centralne banke Bosne i Hercegovine za 1998.

Ad-10- Prijedlog Odluke o dopunama Privremenog poslovnika Doma naroda Parlamentarne skupštine Bosne i Hercegovine

Predsjedatelj Doma naroda je istakao da se u ovom prijedlogu odluke uglavnom radi o utvrđivanju nadležnosti radnih tijela i zamolio izaslanike da posebnu pažnju posvete prijedlogu stalnog poslovnika kako bi isti se usvojio nakon ljetne stanke. Također je apelovao da se u međuvremenu detaljno razmotre organizacione sheme Tajništva Parlamentarne skupštine BiH kako bi se omogućilo njihovo pravodobno usvajanje.

Učesnika u raspravi nije bilo.

Dom naroda jednoglasno je donio Odluku o dopunama Privremenog poslovnika Doma naroda Parlamentarne skupštine Bosne i Hercegovine.

Ad-11.

Izaslanička pitanja

Dževad Mlaćo, postavio je izaslaničko pitanje Vijeću ministara "kada će pripremiti prijedlog Zakona o zaštiti potrošača"?

Odgovor na izaslaničko pitanje dat na sjednici od strane Mirsada Kurtovića, ministra za vanjsku trgovinu i ekonomske odnose BiH.

Vinko Zorić, dao je primjedbu o načinu uređenja i razmještaja namještaja sale u kojoj se održavaju sjednice i uputio zahtjev nadležnim službama Parlamentarne skupštine upućuje da se odrede točna mjesta gdje će sjediti delegati i zastupnici.

Savjetu ministara Bosne i Hercegovine je postavio pitanje: "Kad će se poslanički paušal i ostala prava poslanika povećati jer dosadašnji paušal i ostala prava su neadekvatna poslaničkom radu i odgovornosti."

Odgovor na delegatska pitanja delegata Vinka Zorića na sjednici je dao Vedran Hadžović, član Tajništva Parlamentarne skupštine BiH.

Nakon izaslaničkih pitanja funkciju predsjedatelja Doma naroda preuzeo je dr. Izet Žigić i se obratio se nazočnima.

Sjednica je završena u 15 sati.

Magnetofonski snimak sa sjednice čini sastavni dio zapisnika.

PREDSJEDATELJ
DOMA NARODA
PARLAMENTARNE SKUPŠTINE BiH
mr. Vladimir Šoljić

**NASTAVAK 6. SJEDNICE DOMA NARODA
PARLAMENTARNE SKUPŠTINE BOSNE I HERCEGOVINE ODRŽANE 22.
SRPNJA 1999.GODINE**

Sjednica je počela u 18,30 sati.

Sjednici je bilo nazočno 13 izaslanika.

Sjednici nisu bili nazočni Pero Marković i Pero Madžar.

Sjednicom je predsjedao dr. Izet Žigić, Predsjedatelj Doma naroda i konstatirao da postoji kvorum za pravovaljano odlučivanje.

Za sjednicu je predložen i usvojen slijedeći

D N E V N I R E D

1. Prijedlog zakona o zrakoplovstvu Bosne i Hercegovine
2. Davanje suglasnosti za ratificiranje Sporazuma između Švicarskog Federalnog vijeća i Vijeća ministara Bosne i Hercegovine koji se odnosi na redovni zrakoplovni promet
3. Izaslanička pitanja.

AD-1

Prijedlog zakona o zrakoplovstvu Bosne i Hercegovine

Ispred Radne komisije o prometu i komunikacijama predsjedatelj Herceg Mugdin je istakao da je Komisija razmatrala Zakon i podnijela Amandman na članak 64.2. Zakona koji glasi: "Ovaj zakon stupa na snagu osmog dana od dana objavljivanja u "Službenom glasniku Bosne i Hercegovine".

Sa 12 da glasova za i jednim suzdržanim glasom i Amandmanom koji je postao sastavni dio Zakona, Dom naroda je usvojio Zakon o zrakoplovstvu Bosne i Hercegovine.

Zaključeno je da se zaduži nadležna služba Vijeća ministara BiH da ukloni sve tehničke nedostatke u zakonskom tekstu do kojih je došlo prilikom tiskanja u odnosu sa originalnu verziju engleskog teksta, i ovjerene sve tri jezičke verzije dostavi nadležnoj službi Doma naroda radi objavljivanja u službenom glasilu BiH.

AD - 2

Davanje suglasnosti za ratificiranje Sporazuma između Švicarskog Federalnog vijeća i Vijeća ministara Bosne i Hercegovine koji se odnosi na redovni zrakoplovni promet

Dom naroda je jednoglasno donio Odluku o davanje suglasnosti za ratificiranje Sporazuma između Švicarskog Federalnog vijeća i Vijeća ministara Bosne i Hercegovine koji se odnosi na redovni zrakoplovni promet.

AD -3

Izaslanik Momir Tošić ispred Kulba srpskih izaslanika predložio je da se Predsjedništvu BiH i Vijeću ministara uputi dopis u svezi dobijanja informacije o dosadašnjim aktivnostima kod uspostavljanju bilateralnih odnosa sa SR Jugoslavijom. Ovo je potrebno radi preduzimanja budućih radnji kod donošenja Odluke na temelju Zakona o državljanstvu BiH o uvjetima i načinu sticanja dvojnog državljanstva.

Sjednica je završena u 19,15. sati.

Magnetofonski snimak sjednice čini sastavni dio zapisnika.

PREDSJEDATELJ
DOMA NARODA
PARLAMENTARNE SKUPŠTINE BiH
dr. Izet Žigić